

Doch gedacht ich an mein lieb Gott/
 Der kein vorlest in seiner noth/
 Der kan erretten aus aller plag/
 Wie gros die immer nur sein mag/
 Wie er an vielen hat volbracht /
 An den Daniel ich gedacht/
 Wie ern vorn Lewen hat behüt/
 Auch drey Menner ins Ofens glut/
 Gar trewlichen bewaret hat/
 Dergleichen der Susanne that/
 Dacht an die Kinder Israel /
 Wies Gott erret hat für vngesel /
 Vorm König Pharon seiner macht/
 Er sie durchs rote Meer hat bracht/
 Trewlichen in geholffen hat/
 Viel hungerig/ macht er noch sat /
 Vnd ander fromme Leut dermassn/
 Dacht/Gott wird dich auch nit verlassn.
 So du in bittest herzlich vmb was/
 Vnd auch von herken gleubest das /
 So wirdt er dirs mit nicht vorsagn/
 Vnd dir helfen dein Creuke tragn/
 Wilt im seken kein mass noch ziel /
 Vnd sprach darauff/ es gschech dein wil